

SECTION

6

ABOSOMDIN NE
BRAGORU



AMAMMERɛ NE AMANNE NE AKANFO AMAMMU

Amammerɛ ne Amanne

NNIANIM

Saa ɔfa yi da Ghana mmusuakuw ahorow no abosomdin no adi wɔ bere a worehwe wɔn abɔse wɔ w'amammerɛ mu. Ebeboa wo ama woahu nea enti ne abosomdin ahorow no so mfaso. Saa adesua yi beboa ama woate din to ase na ama wode nnidi a ese fata ama Ghana amammerɛ ne amanne ahorow no. Ɔfa yi san kasa fa ɔkwan a yefa so pagyaw mmabunu kɔ wɔn mpanyin mfe so (Bragoru). Mpensempensemu yi behwe nneyee ahorow a eda adi wɔ: ansa na wɔbegoru bra, bragoru no ankasa enna bragoru no akyi dwumadi ahorow a ekɔ so wɔ w'amammerɛ ne afoforo de mu wɔ Ghana, Wobesan asua mfaso a ewɔ bragoru so ma asakyima, n'abusuafo ne ne kuromfo nyinaa. Esee se wutumi kyere nneema a esese ne nea eda nso wɔ ɔkwan a wɔfa so pagyaw mmabun kɔ wɔn mpanyin mfe so wɔ Ghana mmusuakuw amammerɛ ahorow no mu.

Adesua yi beko awiei no, na wutum:

- Na yeasua abosomdi, wɔn abɔse ne wɔn dwumadi.
- Na wutumi pensempensem kwan ahorow a wɔfa so de ɔbabun bi kɔ ne mpanyin mfe (bragoru; Ansa na wɔbegoru bra, bragoru no ankasa enna bragoru no akyi dwumadi ahorow)
- Na wutumi ye ntotoho fa akwan ahorow a wɔfa so goru bra wɔ Ghana mmusuwkuw ahorow no mu no.

Adwempɔw ahorow

- Abosomdin ahorow no abɔse gyina ɔbosom pɔtee bi so.
- Ayɔnkofa amapa da abosom ne wiem atumfo no ntam.
- Wɔda wɔn abakɔsem adi kyere wɔn a wɔsom wɔn no.

- Bragoru yɛ Akanfo amammerɛ bi a wɔyɛ de pagyaw wɔn mmeawa ne mmarima kɔ mpanyin mu.
- Ɛsan nso kyere ɔkwan a wɔfa so gye onipa tom wɔ fekuw bi mu.
- Wɔgoru mmeawa ne mmarima nyinaa.

ABOSOMDIN

Wɔde edin ahorow bi tow yen so esian twaka a ɛda yene wim atumfo bi ntam nti. Wɔfrɛ saa edin ahorow yi se **abosomdin**. Ansa na wobesua biribi afa abosomdin ho no, ɛsɛ sɛ wote asemfua abosom asekyerɛ ase yiye.

DƐn ne ɔbosom?

Abosom yɛ ahonhom a wɔtumi yɛ mmea ana mmarimma. Wɔyɛ ewiem atumfo a nnipa a wɔwɔ gyidi bi sɛ biribiara a ɛbɛkɔ so wɔ wɔn asetena mu no, ɛyɛ ade a abosom no betumi ayɛ ho biribi nti na wɔsom wɔn. Saa abosom yi wɔ honhom mu tumi kɛsɛ. Yɛtaa de ɔsom mu gyidi ne emu nnwuma ahorow no gyina hɔ ma wɔn abosom. Saa ahonhom yi tumi yɛ mmea ana mmarimma. Ɔsom mu ahonhom a wɔyɛ mmarimma no mu bi ne Zeus, Apollo, Athena, Aphrodite, Artemis, ne nea wɔkeka ho. Ghanaman yi mu, mantam ana abusuakuw biara wɔ abosom a wɔgye wɔn di. Abosom a wɔagyɛ din pa ara wɔ Ghanaman yi mu no na edidi so yi:

- i. **Ga:** Dantu, Nae, Klote, La Kpa, ne wɔn a wɔkeka ho.
- ii. **Akan:** Kune, Tegare, Nyamaa, Antoa, ne wɔn a wɔkeka ho.
- iii. **Dagomba:** Tambo, ne wɔn a wɔkeka ho.

Abosom a wɔagyɛ din pa ara bɛn na wɔwɔ wo kurom?

Abosomdin Ahorow

Wɔgyina gyidi ne ɔsom ahorow so na ɛde abosomdin tow nnipa binom. Abosomdin yɛ edin pɔtee bi a abusua, kurow, ɔsom ana nnipakuwbi de to wɔn ho ɛnam twaka a ɛda wɔne abosom no ntam nti.

Abosomdin ahorow no ho nhwɛso

Nea edidi so yi yɛ Abosomdin ahorow a ɛwɔ Ghanaman mu:

1. Ewefo mmusuakuw no mu biako a ɛde Anlo a ɛwɔ Firaw Mantam mu no som bosom bi a wɔfrɛ no ‘Afa’ a ekyerɛ sɛ ofi onyame hɔ na ɔsan yɛ Abakan ma anyame ‘Bokɔ’ no din de ‘Amuzu’.

2. Akanfo mu nso, wɔde abosomnini ne abosombere din gyina hɔ ma nna ahorow no. Enam yei nti ɛda a yɛde wo obi no tumi nya nsunsuanso wɔ ne din so. Sɛ ebia, ‘Adwo’ yɛ ɔbosom a ogyina hɔ ma Dwowda, ne saa nti, wɔde edin ‘Adwoa’ to ɔbea a na yewoo no Dwowda, ɛna sɛ ɔyɛ ɔbarima nso a, wɔto no edin ‘Kwadwo’.

Bobɔ abosomdin ahorow a ɛwɔ soro hɔ no mmaaako mmaako. Ma wo kyerekyerɛni ntiɛ sɛnea wosi bobɔ edin no. Wunim abosom bi a wɔwɔ wo kurom ana wo mpɔtamu din?

Abosomdin ahorow abɔse

Abosomdin ahorow no da nso fi ɔsom ahorow mu a egyina wɔn a wɔto edin no gyidi ne wɔn amammerɛ so. Sɛ ebia, Ewefo mu no, wɔn abosomdin abɔse ne Yeve (Agradaa Nyame), Akanfo nso nya wɔn abosomdin fi asuo ahorow mu ɛna Dangmefo nso nya wɔn abosomdin fi Ɔbɔade Nyame hɔ ne nea ɛkeka ho.

Wunim din no abɔse?

Nea enti a wɔto abosomdin

Wɔgyina nneema ahorow so na ɛto abosomdin. Wɔto nnipa abosomdin de kyere dwuma a ɔbosom no di ana ne tumi. Ebi nso gyina mmoa bi a wɔnya fii ɔbosom no hɔ so ɛna ebi nso da nnipakuw bi amammerɛ so ana sɛnea ɔbosom bi si te. Bio, awarefo bi nnya awo a wɔkɔ abosom nkyɛn kɔpɛ mmoa. Wɔhyɛ bɔ wɔde wɔn ba na to ɔbosom no de di wɔn bɔhyɛ no so.

Abosomdin to ho mfaso

Abosomdinto so wɔ nsunsuanso kɛse wɔ nnipa ahorow a wɔsom wɔn no abrabo so.

Mfaso ahorow a wɔn a wɔkura abosomdin no nya wɔ wɔn din no so so na edidi so yi:

1. Yɛdehyɛ wɔn nso. Abosomdin boa ma yehu bosom pɔtee a obi som no ne beae a onipa no fi.
2. Ɛkyerɛ twaka a ɛda onipa bi ne ɔbosom no ntam.
3. Abosomdinto boa ma amammerɛ ne ɔsom ase tim ne nea ɛkeka ho.
4. Ɛda awofo no gyidi a wɔwɔ wɔ ɔbosom no mu adi.
5. Abosomdinto boa ma nea okura abosomdin no nya ahoɔden, ahobammɔ ne honhom mu tumi.

Dwumadi 6.1

1. Fa w'ankasa nsemfua kyerekere asemfua 'ɔbosom' mu.
2. Montena baanu baanu, monkyerew edin ahorow du na monkyere abosomdin ahorow a ewowom.
3. Fa abosomdin ahorow a wuhuu no toto wo mfefo a woye Akanfo de ho. Kae se wone mfefo bekye adwen afa wo mmuae no ho.
4. Wowo abusuadin a eye abosomdin ana? Kyere wo din no abose. Se wunni bi nso a, fa abosomdin a wokyere wee no wo (2) na kyere n'abose.

Dwumadi 6.2

Fa mmuae a efata wie pon yi mu dwumadi wo bere a wokyere w abosomdin anum, won abose ne won dwumadi.

	Abusuakuw	ɔbosomdin	N'abose	Ne Dwumadi
1				
2				
3				
4				
5				

Dwumadi 6.3

1. Kyere ade baako a ema nnipa binom ne abosom ye apam wo wo kurom.
2. Kyerew mfaso abiesa (3) a wonya fi abosomdinto so.

BRAGORU

Saa ofa yi kasa fa kwan a wofa so pagyaw mmabunu ko won mpanyin mfe so wo bere a yerehwe dwumadi ahorow a eko so ansa na wabegoru bra, bragoru no ankasa enna bragoru no akyi wo ahorow so.

Nnwennweneho asemmissa:

Wokae nsakrae abies̄a (3) bi a ɛbaa wɔ wo nɔɔpadua mu wɔ bere a wodii mfe 10 kosi 14 no?

Den ne Bragoru?

Bragoru ye Akanfo amammerɛ bi a wɔye de pagyaw wɔn mmeawa ne mmarima kɔ mpanyin mu. Mpen pii no etaa si wɔ mmeawa a wɔadi mfe 10-14 enna mmarimma a wɔn nso adi mfe 12-16 (Eyi nye nokware mma nnipa nyinaa).

Nsakrae a ɛda adi wɔ mmeawa nɔɔpadua mu

Nsakrae a ɛda adi wɔ mmeawa nɔɔpadua mu no bi na edidi so yi:

- Wɔn sisi akyi tɛw
- Wɔn asere ye akese
- Wɔn to nso yeye akese nkorowakorowa
- Wɔbu wɔn nsa a edi kan
- Wɔn nufɔ yeye akese
- Nhwi fu wɔ wɔn baa so ne wɔn mmɔtoam.

Nsakrae a ɛda adi wɔ mmarimaa nɔɔpadua mu

Nsakrae a ɛda adi wɔ mmarimaa nɔɔpadua mu no bi na edidi so yi:

- Wɔn tadia ne wɔn hwoa yeye akese.
- Nhwi fu wɔ wɔn tadia so ne wɔn mmɔtoam.
- Wɔn koko ne wɔn mmati yeye akese
- Wɔn honam mu ntini nso mu ye den
- Wɔn nne mu ye du
- Wɔye tenten
- Wɔfu abɔgyese

Saa nsakrae ahorow yi kyere abrabɔ mu kankɔ bi a yefɛ no **Bragoru**.

Bragoru

Bragoru ye Akanfo amammerɛ bi a wɔye de pagyaw wɔn mmeawa ne mmarimaa kɔ mpanyin mu. Eyi ye amammerɛ ne amanne a ɛkɔ so wɔ abadinto akyi a epagya no fi mmofra mu kɔ mpanyin mu.

Pon 6.1 a ɛwɔ fam ha no kyerekyere edin ahorow a wɔde ma bragoru wɔ mmusuakuw ahorow a ɛwɔ Ghanaman ha no.

Mmusuakuw	Edin a wɔde ma mmeawa de	Edin a wɔde ma mmarimaa de
Ewefo	Gbɔtowɔwɔ/ Tugbewɔwɔ	Tudedeasi
Krɔbɔfo	Dipo	
Fantefo	Bragor	
Twifo	Bragoru	
Akpafufo	Iseyi	
Nkranfo	Otofo/ Otseɲtse	Plamatsemɔ/ Butrumwɔɔ/Dɛɲtuwoo
Sissalafo	-	Baala
Vaglafo		Pellaa

Sen na wɔsi frɛ saa amammerɛ dwumadi yi wɔ wo kasa mu? Wɔyɛ saa amanne yi ma mmeawa ne mmarima.

Dɛn ne Nnyetom?

Nnyetom yɛ dwumadi ana nsenkyernne a wɔyɛ de ma onipa bi de yi no fi tebea bi mu kɔ tebea foforo mu wɔ abrabɔ mu a wɔtaa frɛ no ɔbra kankɔ mu. Yetumi gye obi tom de no hyɛ adwumakuw sononko bi, kokoam adwumakuw anaase wɔbɔ no asu de gye no tom wɔ ɔsom bi mu. Mmom, nyetom a yereka ho asem no wɔ ha ye nea yɛde begye mmabunu fi mmofra mu kɔ mpanyin mu.

Ɔkwan a wɔfa so gye obi tom

Ɔkwan ahorow a wɔfa so gye obi tom te sɛ bragoru no da nso fi afoforo de ho. Ahoboa ahorow a wɔyɛ ansa an wɔagoru bra, bragoru no ankasa ne bragoru no akyi na yerebeka ho asem yi.

Bragoru Ntotoho: Nea Ɛsese

Ɔkwan a wɔfa so goru mmeawa bra:

1. Ansa na wɔbegoru bra no mu dwumadi

Awofɔ hu nsakrae bi wɔ wɔn mmammea nnipadua mu a, wɔhyɛ ase ye ahoboa.

Mpɛn pii no sɛ abeawa no bu ne nsa a edi kan a, wɔde no fa saa amammerɛ ne amanne dwumadi ahorow a edidi so yi mu:

- a. Nea edi kan no wɔyi mmeawa no fi abusuakuw no mu kɔhyɛ baabi siesie wɔn ma bragoru dwumadi no.
 - b. Mmeawa no awofɔ kɔbɔ mpanyimfo anaase Nsumankwaahene a ɛye n'asɛde sɛ odi saa dwuma no amanne.
 - c. Mmea mpanyimfo binom a wɔwɔ kurow no mu de asakyima no hyɛ dan mu kyerekyerɛ wɔn abrabɔ pa ne mmea awarefo asɛde sɛnea ɛbeyɛ a wɔkɔ aware a wɔbetumi ahwɛ wɔn afi so yie.
 - d. Wɔkyerekyerɛ asakyima ana mmeawa yi ofi dwumadi bi te sɛ aduannoa, apra, atomasi ne ahonnidi ne nea ɛkeka ho.
 - e. Wɔkyerekyerɛ mmeawa yi nsaanodwuma bi te sɛ ketɛ nwene, aheneyɛ, kukunwene, tibɔ ne nea ɛkeka ho.
 - f. Wɔsan sua wɔn kurom nnwomto ne asa.
 - g. Wɔkyerekyerɛ wɔn mpa so nkitahodi de siesie wɔn ma wɔn daakye akununom.
2. Bragoru no ankasa mu dwumadi

Bragoru no ankasa mu no, ɔbeapanyin ana ɔkɔmfo di dwuma a edidi so yi de gye mmeawa no tom.

Ɔgu nsa de srɛ ɔdɔ ne ahobammɔ fi nananom abosom hɔ ma asakyima no ne bragoru dwumadi no. Nsagu no akyi no, wɔde fa honhom mu dwumadi ahorow a edidi so yi:

- a. Wɔyɛ honhom mu amanne bi de hwɛ sɛ mmeawa no mu biara mfaa ɔbarima da. Wɔyɛ eyi wɔ bere a wɔma wɔtena ɔbo tumtum bi so na afei wɔaguare asu mu ana po mu ne nea ɛkeka ho.
- b. Ɔkɔmfo no ana ɔbeapanyin no yi wɔn ti nhwi nyinaa ma wɔn.
- c. Wɔma asakyima no tena asesequa ana bɔnwoma so wɔ bragoru no mu.
- d. Wɔma wɔn nnuan bi te sɛ nkesua ne nea ɛkeka ho.
Wɔyɛ saa honhom mu dwumadi yi wie a, wɔde Akanfo afade te sɛ kente, nhenepa ne mpomporanne ahorow siesie wɔn ho fɛfɛfɛ.
- e. Wɔbɔ gua dataa de hyɛ wɔn anuonyam san de gye wɔn ba mpanyin mu.

- f. Wɔde nhenepa ne kente a ɛte apɔ siesie asakyima yi ho wɔ aguabɔ ase san yiyi wɔn mpokua ne wɔn honam akwaa no so de da no adi ma mmarima hwe gyina so pɛ wɔn mu bi a wɔbeware wɔn daakye.



Mfonini. 6.1: *Mfonini yi ye Krɔbɔfo mmeawa bi a wɔregoru wɔn 'Dipo' na wɔresan dwira wɔn.*

Mfonini a ɛwɔ fam ha yi ye mmeawa a wɔagoru wɔn bra awie



Mfonini 6.2. *Mfonini yi kyrerɛ mmeawa a wɔde nhenepa asiesie wɔn ho no bi. (Bragoru)*

Bragoru no akyi dwumadi

- Bragoru no akyi no, mmeawa a wapagya wɔn kɔ wɔn mpanyin mfe so no ne wɔn abusuafo ne wɔn nnamfonom kyinkyin kurow no mu kɔdeda ɔmanfo no ase.
- ɔmanfo no de akyede ahorow ma wɔn de bɔ wɔn aba so sɛ wɔafa bragoru dwumadi no mu asomdwoe mu. Akyede ahorow no mu bi ne sika, nhenepa, duku ne nea ɛkeka ho.



Mfonini 6.3. Eyi kyere mmeawa a wɔagoru wɔn bra awie a wɔde kente asiesie wɔn ho. (bragoru)

Bragoru Ntotoho: Nsonsonoe a ɛda bragoru dwumadi ahorow a ɛwɔ Ghanaman yi mmusuakuw mu.

Sɛ yɛde dwumadi ahorow a ɛsese no to nkyɛn a, yɛwɔ dwumadi ahorow no bi nso wɔ ho a ɛda nso fi afoforo ho. Saa dwumadi no bi na edidi so yi.

Ewefo

1. Sɛ wɔde nnawɔtwe ana bosome beyɛ bragoru dwumadi bi gyina nnipa ana botae a etaa akyi no so.
2. Wɔde mmeawa a wɔagoru wɔn bra no kɔtena afikyiri ma wɔn nnamfonom begoru de gyegye wɔn ani wɔ bere a wɔte afikyiri ho no.
3. Bragoru dwumadi no mu no' kesua a wɔde ma wɔn di no gyina ho ma awɔɔ.

Krɔbɔfo

1. Krɔbɔfo yɛ Dipo ma wɔn mmeawa wɔ bere a wɔn bosombere Nene Kloweki soma ma wɔde ato gua sɛ obiara a ne ba aso sɛ yɛgoru no bra no mfa no mmra. Wɔde nnanum na edi saa dwuma yi wɔ Ogyefo bosome no mu.
2. Ansa na bragoru no ankasa bɛkɔ so no, awofɔ ahorow de wɔn mmammea no kɔkyere wɔn abusua akɔmfo a wɔhwɛ yɛ 'Dipo' no.
3. Bragoru ankasa dwumadi mu no, akɔmfo gu nsa, yɛ nyankomade ahorow san yi mmeawa no ti ho nhwi na wɔde wɔn atena bɔnhoma so ne nea ɛkeka ho.

Nkranfo

1. Nkranfo nso ye Ofofo de ma wɔn mmammea wɔ bere a wɔanyini.

Akanfo

1. Akanfo nso de nnawɔtwe na edi saa dwuma yi wɔ bere a wɔhyɛ ase Dwowda ana Benada.
2. Ansa na wɔɛgoru bra no, wɔde mmeawa no kɔ ɔhemmea ho ma no ye honhom ne honam mu nhwehwemu fa wɔn ho de hwe sɛ wɔyɛ mmaabunu ana wɔnnyenyem nso.

Okwan ben so na Akuapemfo si goru wɔn mmammea bra?

Okwan a yɛfa so goru mmarmmaa bra

Okwan a yɛfa so goru mmarmmaa bra no nye ade a etaa kɔ so wɔ Ghanaman mu mmusuakuw ahorow no amammerɛ mu. Mmusuakuw kakra a wɔdi saa dwuma yi bi ne Ewefo a wɔfrɛ saa amammerɛ ne amanne no “Tudedesi”. Sissalafo nso frɛ no Baala, Nkranfo nso frɛ no Plamatsemɔ/Butrumwɔɔ/Dɛntuwoo enna Vaglafo nso frɛ no Pella. Bra a wɔgoru ma mmarmmaa no ntaa nye aguabɔ ase dwumadi. Nhweso, Ewefo mu no, otu a wɔde ma abarimaa a wɔregoru no bra no wɔfrɛ no ‘Tudedesi’. Eɛ sɛ ɔde saa otu yi bɔ n’abusuafo ho ban na ɔsan nso de ye ha.

Akwon ahorow a wɔfa so di saa dwuma ahorow yi na edidi so yi;

1. Wɔde abarimaa no kosie baabi
2. Wɔkyerɛkyerɛ no biribi fa mmarmmayɛ, asɛde ne mpam agodi ho
3. Wɔpagya mmarmmaa no kɔ wɔn mpanyin mu
4. Wɔhyɛ wɔn den wɔ honhom ne honam mu
5. Wɔkyerɛkyerɛ wɔn amammerɛ ne amanne nso

Akwon ahorow a wɔfa so di saa dwuma yi da nso wɔ mmusuakuw ahorow bi de ho wɔ Ghanaman mu ha.

Bragoru So Mfaso

1. Wɔde pagya mmabunu kɔ mpanyin mu.
2. Wɔnam so nya nimde ahorow de bɔ wɔn bra.
3. Wɔde kyere sɛ ɔbabunu bi aso aware.
4. Wɔde siesie mmabunu wɔ honhom ne honam mu ma aware.
5. Wɔde kyerekyerɛ mmeawa ne mmarmmaa no subanpa ne abrabɔpa.
6. Wɔde kyerekyerɛ mmabunu no wɔn amammerɛ ne wɔn amanne.
7. Wɔnam so de si mmabunu abrabɔ bɔne ne subammɔne ano kwan.

8. Enam so ma mmeawa no nya dwetiri de bɔ bra daakye.

Dwumadi 6.4

Kyerɛw din a wɔde ma bra a wɔgoru de ma mmeawa ne mmarimaa na wo ne mfefo nkyɛ adwen wɔ ho.

Dwumadi 6.5

1. a. Montena akuwakuw na monhwɛ mfonini no yie na monka wɔn afade no ho asem. Ka nneema w'ani gye ho wɔ wɔn afade no ho asem.



Source: Jitrip as cited in Zietzi (2018).

- b. Kyerɛ mfaso a ɛwɔ afade ahorow a wɔde adi dwuma baako ho asem.
2. Hwɛ sini a ɛfa Akanfo bragoru no wɔ ha: <https://www.youtube.com/watch?v=zpTdowLmxN8>.
 - a. Den na wɔtaa ye ansa na bragoru no ankasa akɔ so.
 - b. Hwɛ sini a ɛfa bragoru ho no ma w'ani nkɔ dwumadi ahorow a wɔye no wɔ bere a wɔregoru bra no ankasa mu ne bragoru akyi.
 - c. Kyerɛw dwumadi abien (2) a wuhuu no wɔ sini no mu:
 - i. Bragoru no ankasa mu
 - ii. Bragoru no akyi
 - d. Wone wo mfefo nkyɛ adwen mfa sini a wohwɛɛ no ho ne titiriw , nneema a esese ne nea ɛda nso fa bragoru a ɛkɔ so wɔ Ghanaman mu ha mmusuakuw no mu ho.
3. a. Hwɛ mfonini no:



b. Gyina nea woasua no so na kyerekyerɛ nea ɛrekɔ so wɔ mu?

Dwumadi 6.4

Kyerɛw nsonsonoe ne nea ɛsesɛ abien abien fa ɔkwan a wɔfa so pagya mmabunu kɔ mpanyin mu. Wɔ Akanman mu ne mmusuakuw a wɔwɔ Ghanaman yi mu de ho. Wone wo mfɛfo nkyɛ adwen mfa ho.

Dwumadi 6.5

Sɛ woyɛ obi a woasua Akuapem Twi kasa yi, kyerekw nneɛma abiesɛ abiesɛ a ɛfa bragoru dwumadi no ho a wobɛpɛ sɛ wobɛsakra mu anaase ɛbɛwɔ ho na kyerekw nea nti a woka saa . Wone wo wo mfɛfo nkyɛ adwen mfa ho.

MMɔAKYIRI NSEMFA

Mmɔakyiri nsemmisa a εfa abosomdin ho

1. Kyerew abosomdin a nnipa binom de ato wɔn ho sε abusuadin wɔ w'abusua ne wo kurom.
2. Kyerew Akanfo din ahorow anum na kyere wɔn abɔse.
3. Kyerew ɔbosombere bi din na kyere edin ahorow abiesā a wɔde gyina hɔ ma no.
4. Kyere nea enti a nnipa binom gye ɔbosom bi tom na wɔde ne din to wɔn mma wɔ wo kurom.
5. Kyerew mfaso abiesā a nnipa wɔkorɔ a abosomdin da ne so no nya.

Mmɔakyiri nsemmisa wɔ bragoru ho

1. Gyina w'ankasa ntease so kyerekyere bragoru mu.
2. Kyerew na kyerekyere bragoru so mfaso anum ma wo kuromfo. Aden nti na eyinom ye mfaso?
3. Bragoru dwumadi no fa ben na wope sε wɔsakra mu.? Kyerekyere wo mmuae no mu.

MMɔAKYIRI NSEMMISA HO MMUAE

Nsemmisa a ɛfa abosomdin ho no mmuae

1. Abosomdin ho nhweso ahorow (Kyerɛw wo mmuae no wɔ Akuapem Twi mu).

Abosomdin a nnipa bi de to to wɔn ho sɛ wɔn abosomdin. Nhweso:

Akakpo, Amuzu, Yewenyo, ne nea ɛkeka ho (Ewefo)

Tano, Afram, Oti, Pra, ne nea ɛkeka ho (Akanfo).

2. Abosomdin anum ne wɔn abɔse wɔ Ghanaman mu ha no bi ne:

Fa abosomdin anum ne wɔn abɔse wie pono yi so dwumadi no

	Abosomdin	N'abɔse	Ne dwumadi
1	Sɛ ebia: Akakpo	'Afa', ɔyɛ ɔbosom ofi Onyame ho	Edin a yɛde ma obi a ɔsom bonsom Afa babarima a odikan
2	Sɛ ebia: Afram	Ɔbosom a wɔde gyina ho ma ɛda (Benada)	Edin a wɔde ma barima a wɔwoo no Benada
3			
4			
5			

3. Nhweso, *Akanfo mu no Adwo* yɛ ɔbosombere
4.
 - i. Nnipa ne abosom yɛ apam de pɛ awerɛkyekyere ne ahobammɔ wɔ mmere bɔne mu.
 - ii. Wɔnam so de kyere ahofama ne nnidi a wɔwɔ ma abosom no esiane nnɛpa a wɔyɛ ma wɔn no nti.
 - iii. Wɔde pɛ honhom mu bammɔ.
 - iv. Wɔnam so de di wɔn bɔhyɛ so ne nea ɛkeka ho.

5.
 - i. Abosomdinto boa ma yehu ɔbosom pɔtee a saa onipa no som no.
 - ii. Abosomdin boa ma amammerɛ ne amanne ase tim.
 - iii. Abosomdin de honhom mu ayɔnkofa bɛto onipa a okura abosomdin no ne saa ɔbosom no ntam.
 - iv. Wɔwɔ gyidi bi sɛ abosomdin boa ma onipa no nya ahoɔden, ahobammɔ ne honhom mu tumi.
 - v. Abosomdin de nkabom sononko ba nnipa ahorow a saa ɔbosom no din da wɔn so no ntam.
 - vi. Abosomdin ahorow a yede toto nkyirima no boa ma amammerɛ ne ɔsom ahorow ase tim a enyera da.

Mmɔakyiri nsemisa a ɛfa bragoru ho

1.
 - i. Bragoru ye Akanfo amammerɛ bi a wɔye de pagya wɔn mmeawa ne mmарimaa kɔ mpanyin mu.
 - ii. Bragoru ye Akanfo amammerɛ bi a wɔye de pagya wɔn mmeawa ne mmарimaa kɔ mpanyin mu.
 - iii. Bragoru ye dwumadi wɔye de gye mmeawa ne mmарimaa tom de wɔn kɔ mpanyin mu.
2. Bragoru so mfaso;
 - i. Ɛhye mmарimaa ne mmeawa no ma wosua suban pa ne titire ne sɛ wɔbɛtwe wɔn ho afiri nna mu nsem ne mperewa nyinsen a ɛde ɔhaw bɛba n'abusua ne ɔman mu no nyinaa so.
 - ii. Ɛnam so ma mmeawa no nya dwetiri de bɔ bra daakye.
 - iii. Bragoru boa ma mmabunu hu wɔn amammerɛ ne wɔn amanne na wɔnam so sua ɔkwan a wɔfa so hye ntade, kyeneka, asaw ne nea ekeka ho.
3. Bragoru dwumadi no fa ben na wobɛpɛ sɛ wobɛye nsakyerae wɔ mu.
 - i. Sukuu kɔ boa ma mmeawa no werɛ tumi firi sɛ wɔbɛma wagoru wɔn bera ansa na wahye sukuu ase.
 - ii. Ɛsɛ sɛ mpanimfo a wɔhwɛ ma wɔgoru bra no te nna dodow a wɔde gogu bra no so.
 - iii. Kosua a wɔmene no betumi de ɔhaw abre mmeawa ne saa nti, wɔnya nsakrae wɔ mu.,

- iv. Mmewa no nufu a woyiyi to so no betumi ama onipa bonefo bi adi won bone. Eho hia se wokata won ho yie.

REFERENCES

Agyekum, K. (2006). The sociolinguistic of Akan personal names. *Nordic Journal of Akan studies* 15(2) 206-235.

Nukuknya, G.K. (2007). *Tradition and change in Ghana: An introduction to sociology*. Ghana Universities Press.

Twumasi, K.D. & Adade, C. (2019). *Social studies in scope for JHS 1-3*. Kinddeh.

ACKNOWLEDGEMENTS



Ghana Education Service (GES)

